

風聲雨聲讀書聲

2517

叢書集成初編

法帖譜系（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

鳳墅殘帖釋文

此據貸園叢書本
排印初編各叢書
僅有此本

跋鳳墅法帖

鳳墅法帖者。南宋曾宏父幼卿所刻。正帖二十卷。續帖二十卷。皆宋人書。其云鳳墅者。鐫於廬陵郡之鳳山別墅故也。予所得僅兩卷。一爲南渡名相帖。一爲南渡執政帖。宏父之父三復字無玷。起家進士。光寧之間。嘗官臺諫。轉太常少卿。攝禮部尙書。充賀金國正旦使。以刑部侍郎致仕。宋史雖爲立傳。而不載奉使事。宏父每稱先少師。其爲贈官與否。史亦未之詳也。卷中所載皆諸公書翰。而與其父少師往還之帖。居其大半。古人書問。不輕假手門客。行草大小疎密不拘。要皆秀逸可愛。宏父未冠失所怙。然藏弄手澤。久而不忘。亦徵名臣之有後矣。

乾隆三十四年九月嘉定錢大昕書

鳳墅法帖卷第十三 南渡名相帖

鳳墅殘帖釋文上

〔李忠定公〕行書

綱咨目再拜

茂德承務賢契，稍疎修

問，良有馳仰，使人至，收四月間

書，審聞

動靜，殊以爲慰，秋氣乍涼，伏惟

德履增勝，近被

親筆詔書，以昨條具邊防利害，特有

褒諭。

上恩隆厚，何以報稱，今錄

詔書并謝表劄去，恐欲知也。所寓僧舍之側，葺一小圃，蒔花種藥，頗有幽趣，深恨不得同之戲作。上梁文并圖中十二詠謾寄去，以發千里一笑，自餘無足言者，千萬以時自愛，謹奉咨目，不宣。

綱再拜

〔呂忠穆公〕行齋

頤浩皇恐再拜。頤浩承乏臨安。復兼留司。每五鼓領詞狀。拂旦入都堂。午間復歸治郡事。自朝至夕。未嘗少閑。加以崦嵫晚景。精力不強。比者再乞宮祠。上荷聖恩。未賜

開允。更竢旬月間。再伸前懇。區區之懷。非侍教款述。無由展盡。向風但劇依向。

頤浩皇恐再拜

〔朱忠靖公〕正書

勝非叩首再拜上

宮使右丞資政鈞坐。比日初寒。伏惟

琳館餘閑。

鈞履集福。謹奉狀

上問。不次。

勝非叩首再拜上

宮使右丞資政鈞坐。

十月中休日

〔張忠獻公〕行書

波頓首上啓

參議侍郎閣下被

手翰審聞

所履益快健欣慰之至即日伏惟

台候萬福謹啓不宣

參議侍郎閣下

波再拜炎暑幾不能出息遽辱荔子爲

貺食之神氣頓爽荷

厚意无已也波與兒子幸无恙得老親近教壽體彌強健賴

天之惠私以感激

〔趙忠簡公〕草書

劉振孫探報極詳實諸處所聞亦皆符合則今秋入寇無疑矣伏想

波頓首上啓

九月二十日

波再拜

經畫已定。有可以豫相告語者。幸星速報示。如移
蹕等事。亦欲前期作措置也。今政府闕員。從官因一倡三復。皆謂
朝廷謀大事。不得預聞。亦以二府久不除人也。又不敢容易薦進。他時留司。自要一員倚付。不知吏書欲
辦否。

相公切更熟思。或得其人。卽告速示。章且叟欲留之行在。緩急亦有用處。以爲如何。

鼎再拜

〔陳文恭公〕行書

康伯咨目頓首再拜。

知縣學士鄉兄執事。秋風戒涼。

鳴弦多暇。伏惟

豈弟有相。

尊候萬福。區區未繇

瞻晤。切冀

爲才業珍護。別聽

除擢。拳拳不宣。

知縣學士鄉兄執事。

康伯咨目頓首再拜

〔梁文靖公〕行書

克家輒瀝忱悃。上瀆

鈞聽。克家伏蒙

朝廷付以閭寄。將及兩年。幸託

芟覆。偶逃曠敗。惟是拙鈍無補。有負

使令。衰病日深。委難勉強。兼家兄□□□監興化涵□倉。以礙期親。不得赴上。蓋自出官及今。已十一年。

雖已兩任注擬。未曾一日霑祿。去歲固嘗拜

曹。今克家見具奏。乞在外宮觀。欲望

鈞慈特爲

委曲開陳。俾遂所請。令兄卽赴新任。非惟衰病得遂休養。亦足少伸兄弟之私義。干冒

崇嚴。不勝迫切伏祈

裁幸。

右謹具

呈。

資政殿大學士宣奉大夫知福州梁克家劄子

〔葉〕

〔行書〕

銜廢放餘生已甘永弃。

聖恩矜貸。

忽許便安仰戴。

隆天厚地之私雖万死何足以報區區之跡已於前月末還至弊里退思所□自非賴

台慈覆護

技拭何以至此永言感戴豈毫楮能旣更辱

存問尤佩

愛忘向所稟

聞李總幹者見其兄弟皆好學能文而此君尤謹愿可喜輒望

與進蒙留

台念不勝媿荷之至。

右謹具

呈。

責授安德軍節度副使葉衡劄子

〔王文定公〕正書

淮伏蒙

鈞慈。

敬示舅氏誌銘書丹仰惟

大手筆顧念淮託在

事契所以

假寵其外家甚至惟是紀次無法獲因

盛名以傳千萬之幸區區冀日

面控謝懇尙乞

鈞照。

右謹具

呈。

十月 日通奉大夫樞密使王淮劄子

鳳墅殘帖釋文上

建炎初元議置相而難其人。以李忠定先朝名望召拜右僕射。夏末抵在所。秋仲轉左。凡七十五日而免。右帖乃居閑時貽蕭休亭書。朱忠靖守應天中與犒賜。倚辦其郡。

高宗奇其才。維揚移蹕。卽除右僕射。由庶官不二年而大拜。苗劉伏誅。暨張浚。巖二三執政。皆典外藩。呂忠穆以勤王勳代爲右揆。二帖卽與澹巖書。時呂方秉政。紹興四年趙忠簡拜右揆。五年轉左。而張忠獻爲右。皆兼元樞。都督諸路軍馬。趙本張所薦。張當軸。趙方爲司勳。卽張帖乃與幕客書。未幾秦當國諸君不更進用。末年陳文恭爲相。輔翼

孝廟受禪。此帖乃與外祖張祕閣安樂老人書。蓋毫鄉同舍生也。梁文靖紹興庚辰魁多士。乾道壬辰入相。南渡百年以大魁秉鈞。方見文靖。先君少師。乃是年擢第。與留忠宣俱爲同年。葉昭文淳熙初年宰相。右帖乃其自貶所歸故里書。王文定八年始拜相。與梁帖皆周文忠通問。自文忠而降則悉先君往還書帖。宏父未冠失所怙。舊得諸賢遺墨。僅存一二。言之可勝於邑。

〔周文忠公〕行書

必大充員乘障不敢數以尺書至

中都故雖

門下亦成疎闊其於傾鄉則異乎他人未審蒙

垂察否茲沐

誨翰

禮意謙勤愧刻無已春深氣暄欣審

協振臺綱

起居有相

台候曼福

峨豸滋久計今

已陟副端續馳慶幅必大衰病有加行控祠請邈然

晤語滋劇馳情所幾

保裔粹和

對揚

休寵

右謹具

呈

三月十日少保觀文殿大學士判潭州周

必大

劄子

必大竊以春雨及時共惟

察院維持

國是

神物陰相

台候曼福

輪對必有

正大之論仰契

上心卽慶

中執法之拜必大蒙恩易鎮況在鄉部其榮多矣諒非

主張有素何以得此弟年已至而病日侵自合退休方再控免未敢道謝先勸

誨劄備認

謙冲不勝感刻正阻

晤言切冀

厚加頤養丕承

帝渥

右謹具
呈

正月 日少保觀文殿大學士益國公周 必大 劄子

必大竊以寒事云初共惟

太常少卿靖共九列

神所相勞

台候萬福

抗彊北道

禮成而歸

榮晉崇階摺紳欽艷

三宮慶典相次舉行正藉

洽聞總諸儒之議

擢升宗伯行矣

有詔更幾

保護粹質丕席

天寵。

右謹具
呈。

十月 日前進士周 必大 劄子

〔留忠宣公〕行書

正昨聞

有臺屬之命。方喜

要津得

端人正士之助。日想

近音。偶見常州士大夫。謂向來倅貳攝承一兩月間。紀綱盡弛。不若少留

臺法俟代。因降

指揮。今則陳倅既去。

年兄在彼。人情亦非便。

來文卽爲將

上。已如

所請

會見伊邇諸容

面布下誠伏幸

台照

右謹具

呈

十一月 日特進左丞相留正 劄子

正屢蒙

賜誨足佩

睿私因循多事未果具

報深以爲愧

使封得雨差遲

豫備救荒

精意祈禱二者

並舉良勞